

Missingersuusiorfimmi 2007-imi kommuninut ataatsimoortumik tapiissutissat pillugit isumaqatigiissut

Illuatungeriit isumaqatigiissutigaa Naalakkersuisut Inatsisartut 2007-imit aningaasanut inatsisissaannut siunnersuummi 783.901.000 kr.-it kommuninut ataatsimoortumik tapiissutigineqassasut siunnersuutigissagaat. Taamaalilluni ataatsimoortumik tapiissutit 2006-imi tapiissutaasuniit 7,4 mio. kr.-inik qaffasinnerussapput. Ilanngussaq 1-imi takuneqarsinnaavoq isumaqatigiissummi qanoq ataatsimoortumik tapiissutit 2006-imit sanilliullugit allannguuteqarneri. Isumaqatigiissutip immikkuualuttortai ataani allaaserineqarput.

1. Akinut akissarsianullu iluarsiiissutit

Illuatungeriit isumaqatigiissutigaa 2006-imi ataatsimoortumik tapiissutit 776,4 mio. kr.-it akinut akissarsianullu 2,34%-imik iluarsiiissuserneqassasut, 2007-imi 18.170.000 mio. kr.-inik naleqartumik.

2. Ataatsimut isigalugit sipaarutissat

Naalakkersuisut 2004-mut aningaasanut inatsisissatut siunnersuut aallarnerfigalugu aningaasartuutissanik tullerriiaarneq allanngortiteriffigilerpaat, ilinniartitaanermut inuussutissarsiornermullu aningaasaliissutit annertunerulernissaat siunertaralugu. Naalakkersuisut 2005-imi Aningaasaqarneq pillugu nalunaarummi siunnersuutigaa 2006-imi aningaasanut inatsisissatut siunnersuummi sulii annertunerusumik tullerriiaarinikkut allanngortiterisoqassasoq ilinniartitaanermi aningaasaliinerunissaq 400 mio. kr.-it angullugit 2012 2013-imiit annertussuseqarsinnaaqqullugu.

Aningaasaqarneq pillugu 2005-imi nalunaarummi naliliinermi tikkuarneqarpoq inuit 2.800-nik amerlanerusut ukiut tamaasa ilinniagaqarlutik ilinniarnermulluunniit assingusumik ingerlataqalersimasassasut suliniutit tamakkiisumik ingerlalerpata. Tassunga sanilliunneqassapput illoqarfinni suliffissaaleqisut agguaqatigiissinneqarnerat 1.900 missaaniimmat, nunaqarfinnilu suliffissaaleqisutut nalunaarneqarsimasut qaammammut 400 missaaniillutik.

2005-imi aningaasanut inatsimmi Inatsisartut kommuninut ukiumoortumik tapiissutinut sipaarutissat inissitersimavaat, 2006-imi 25,9-inik, 2007-imi 51,7 mio. kr.-inik aammalu 2008-miit 77,1 mio. kr.-inik nalillit. Naalakkersuisut 2005-imi aningaasanut inatsimmi sipaarniuteqarnissamut siunnersuummi tunngavigaat ilinniartitaanerup annertusiartornissaanut sillimatinik peqarnissaq.

Illuatungeriit isumaqatigiissutigaa, aningaasartuutissat tullerriiaarneqarnerata allanngortinneqarnera, ilinniartitaanerup inuussutissarsiornerullu ineriartortinneqarnerata aningaasaliiffigineqarnerunissaa-

nik siunertaqartoq, nammatassaasoq kommunit Namminersornerullutillu Oqartussat ataatsimoorlutik isumagisariaqagaat.

2006-imi illuatungeriit kommunit aningaasaqarnerat aallaavigalugu isumaqatigiipput, sipaarutissat kommuninut atortussanngortinneqarnissaata aningaasanngortinnissaa ilinniartitaanerup aningaasalersorneqarnissaanik tunngaveqartoq ukiup affaanik kinguartinniarlugu, taamalu kommunini sipaarutissat 2007-mi 38,8 mio. kr.-nut, 2008-mi 64,7 mio. kr.-nut aammalu 2009-mi 77,7 mio. kr.-nik annertussusilerlugit piviusunngortinneqassasut. 2006-milu 12,3 mio. kr.-nit ingerlaavartumik sipaarniutinut inissinneqareersimmata, tamanna isumaqarpoq, kommuninut aningaasaliissutit 2007-mi 26,5 mio. kr.-nik ilanngarneqaqqissasut.

3. Akileraartarnerup qitiusumut katersorneqarnera

Illuatungeriit isumaqatigiissutigaaat kommuninut ataatsimoortumik tapiissutit 26,3 mio. kr.-inik ilanngarneqassasut, akileraartarnermi allaffissornikkut suliat nuunneqarnerannik tunngaveqartumik. Aningaasartuutini 18,1 mio. kr.-it akissarsianut 8,2 mio. kr.-illu ingerlatsinermut tunngapput.

Namminersornerullutik Oqartussat naatsorsuutiginnimmassuk 2007-ip ingerlanerani atorfiit tamaasa inuttalersinnaassallugit, tunngaviusumik allaffissornermut aningaasartuutit 29,6 mio. kr.-inut 1. januar 2008 aallarnerfigalugu qaffariassapput.

Illuatungeriillu tamatuma saniatigut isumaqatigiissutigaaat kommuninut ataatsimoortumik tapiissutit 2007-imiit 8,4 mio. kr.-inik qaffanneqassasut, aningaasanik tigoraaannarnik ingerlatsinerup allanngortinneqarnerata, aammalu ingerlatseqatigiiffiit ilassusikkamik akiligassinneqartarnerisa, ilassutitut akileraartitsisarnerup akileraarpallaartoqarneranilu sullissinerup allannguutaasa kingunerisaanik. Aningaasat pineqartut tassaapput 0,6 mio. kr.-it matussutaasut sulisitsisut siunissami nalunaarusiorlutillu Akileraartarnermi Pisortaqarfimmut akiligassanik isumaginnittarlernissaat, - 1,2 mio. kr. kommunit siunissami akileraarnerussutissanik landskarsimut akileereertannginnissaannut, 5,2 mio. kr.-it tunngaveqartut § 6-mi ingerlatseqatigiiffiit akileraarutaannut tapiliussat siunissami landskarsimut nakkartalissammata, 4,6 mio. kr.-it tunngaveqartut § 8-mi akileraarnerussutissanut ilassut siunissami landskarsimut nakkartassammat, aammalu – 0,8 mio. kr. tunngaveqartut § 63-imit ilassut akileraarpallaarutit siunissami Akileraartarnermi Pisortaqarfimmiit akilerneqartalissammata.

Isumaqatigiissutigineqarpoq akileraarnerussutissat 1. januar 2007-ip siornatigumeersut kommuniinnginnassasut, akiliisitsiniartarnermi ingerlatsinerup siunissami inissinneqarnissaa aalajangiiffiqineqareerserlugu.

4. Ingerlatseqatigiiffiit akileraarutaata appartinneqarnissaa

Naalakkersuisut 1. januar 2007 aallarnerfigalugu ingerlatseqatigiiffiit akileraarutaat 35-imiit 30%-imut appartinniarpaat. Illuatungeriit isumaqatigiissutigaaat ataatsimoortumik tapiissutit 14,5 mio. kr.-inik 2008-imiit qaffanneqassasut, kommunit isertitakinnerunerannut matussutaasussanik.

Siunnersuut Inatsisartunit akuersissutigineqassanngippat ataatsimoortumik tapiissutit angeqqataanik apparneqassapput.

5. Aningaasartuutininik inatsisarinik tunngavilinnik naleqqussaaneq nalileeppinnerlu

5.1 Siusinaartumik soraarnerussutisarinik naleqqussaaneq

Siusinaartumik soraarnerussutisarinut aningaasartuutit 2006-imi naatsorsuutigisaniit qaffasinnerusimapput, aammalu 2007-imi qaffakkiartussallutik. Illuatungeriit isumaqatigiissutigaaat kommuninut ataatsimoortumik tapiissutit 2007-imiit 18.346.000 mio. kr.-inik qaffanneqassasut, kommunit aningaasartuuteqarnerunnerannut matussutissatut.

5.2 Ineqarnermut tapiissutininik naleqqussaaneq

Ineqarnermut tapiissutinut aningaasartuutit 2006-imi naatsorsuutigineqartuniit qaffasinnerusimapput. Illuatungeriit isumaqatigiissutigaaat kommuninut ataatsimoortumik tapiissutit 495.000 kr.-inik 2007-imiit qaffanneqassasut, kommunit ineqarnermut tapiissutinut aningaasartuutaasa qaffakkiartornerannut matussutitut.

6. Atuarfitsialak

Atuarfitsialammik aqqissuussineq aqqutigalugu 11. klasse-t atorunnaarsinneqassapput. Kommunit piffissami ikaarsaarfimmi 2009-ip tungaanut nalunaaquttap akunnerinut atuartitsiffiusunut aningaasartuuteqarnerussapput ataatsimoortumik tapiissutitsigut matussuserneqartunik. 2009-mi Atuarfitsialak tamakkiisumik atuutilersimassaaq, taamalu ataatsimoortumik tapiissutitsigut immikkut aningaasartuuteqartarneq taamaatissaaq.

Illuatungeriit isumaqatigiissutigaaat ataatsimoortumik tapiissutit 0,5 mio. kr.-inik 2007-mi qaffanneqassasut. 2008-mi ataatsimoortumik tapiissutit 2,6 mio. kr.-inik apparneqassapput. 2008-mi ataatsimoortumik tapiissutit 2,6 mio. kr.-inik apparneqassapput, 2009-milu 5,0 mio. kr.-inik apparneqassallutik.

7. Annertusisamik immikkut atuartitsineq

Aningaasartuutit utertinneqartussat pillugit Kulturimut, Ilinniartitaanermut, Ilisimatusarnermut Ilaageeqarnermullu Pisortaqqarfik aamma Kalaallit Nunaanni Kommuneqarfiit Kattuffiat isumaqatigiissutigineqarput. Akissarsiat aningaasartuutaasut utertinneqartussat 2006-imi 2007-imilu akissarsianut missingersukkat tunngavigalugit iluarsiiiffigineqarput. Akissarsiat 2006-imi atorneqartut 2%-imik 2005-imi akissarsiat aallaavigalugit iluarsiiiffigineqarput, aamma 2007-mi akit atorneqartussat 2,30%-imik iluarsiiiffigineqarput, 2006-imut missingersuutit aallaavigalugit. Illuatungeriit isumaqatigiissutigaaat immikkut atuartitsinerneq aningaasarsianut utertinneqartussaq 2007-imi 498,78 kr.-inik minutsini 60-ini atuartitsinerneq annertussusilerneqassasoq.

8. Meeqqat atuarfiisa sillimaserneqarnissaannut pisussaaffik

2006-imi kommunit meeqqat atuarfiisa sillimaserneqarnissaannut pisussaaffik tigummilerpaat, kisiannili paasinarsisimavoq kommunit aningaasartuummut tassunga taartisiaat mikivallaarsimasut.

Illuatungeriit isumaqatigiissutigaaq ataatsimoortumik tapiissutit 691.000 kr.-inik 2007 aallarnerfigalugu qaffanneqassasut, aammalu 691.000 mio. kr.-inik 2007-imi qaffaqinneqassasut, 2006-imi kingulerussutaasunut matussutit.

9. Meeqqanut inuusuttuaqqanullu ulloq unnuarlu najugaqarfiit - 2007-imut missingersuutit

Ilaqutariinnermut Pisortaqarfiup KANUKOKA-llu akornanni isumasioqatigiittoqareerneratigut ulloq unnuarlu meeqqanut inuusuttuaqqanullu angerlarsimaffinni 2007-imi aningaasartuutissat pillugit isumaqatigiittoqarpoq.

Ulloq unnuarlu meeqqat inuusuttuaqqallu angerlarsimaffiinnut kommunit 2007-imi aningaasartuutissaat katillugit 105.180.000 kr.-inut missingersuusiorneqarput. 2005-imi atuinikinnerussutaasut 6,1 mio. kr.-it ilanngunneqassapput, taamalu kommuninut ataatsimoortumik tapiissutit 50%-imik aningaasaliissutit sinnerinit ilanngarneqassapput, katillugit 52.590.000 kr.-inik annertussuseqartunik, kommuninut ataatsimoortumik tapiissutinut ilanngaaticineqartussanik.

Illuatungeriit tamanna tunulequtaralugu isumaqatigiissutigaaq ataatsimoortumik 2007-mi tapiissutit 52.590.000 kr.-inik annikillissasut.

10. Suliffeqanngikkallarnermi ikiorsiissutit pillugit peqqussut – inuit ingerlariaqqinnissamut pilersaarusiunneqartarneranni allaffissornermi aningaasartuutit

Suliffeqanngikkallarnermi ikiorsiissutit pillugu peqqussummi nutaami piumasaaqatitit nalunaarneqarsimavoq kommunit inuit ingerlariaqqinnissaannut pilersaarusiuttassagaat, taannalu siusinnerusukkut maleruagassanut sanilliullugu nutaajuvoq.

Tamanna tunngavigalugu illuatungeriit isumaqatigiippat ataatsimoortumik tapiissutit 700.000 kr.-inik 2007-imiit qaffanneqassasut.

11. Pisortanit ikiorsiisarneq pillugu peqqussut - inuit ingerlariaqqinnissamut pilersaarusiunneqartarneranni allaffissornermi aningaasartuutit

Peqqussummi piumasaaqatitit nalunaarneqarsimavoq kommunit inuit ingerlariaqqinnissaannut pilersaarusiuttassagaat, taannalu siusinnerusukkut maleruagassanut sanilliullugu nutaajuvoq.

Tamanna tunngavigalugu illuatungeriit isumaqatigiiput ataatsimoortumik tapiissutit 700.000 kr.-inik 2007-imiit qaffanneqassasut.

Siunnersuut Inatsisartunit akuersissutigineqassanngippat ataatsimoortumik tapiissutit angeqqataan-
nik apparneqassapput.

12. Suliffigissaanermi maleruagassat sukaterneqarnerisa kingunerisaannik kommunit aningaasartuuteqarnerulernerat

Suliffigissaanermi inatsisip pissutsinut naleqqussarneqarnera nalunaarutininik tallimanik malitseqar-
toq 1. januar 2006 atuutilerpoq. Piffissamik qasuersaarfissaqartitaaneq sulinngiffeqarfissaqartitaa-
nerlu pillugit nalunaarut 1. februar 2006 aatsaat atuutilerluni.

Suliffigissaanermi maleruagassat sukaterneqarnerisa kingunerisaannik kommunit avatangiisinik
allannguinnissanut aningaasartuuteqarnerulissapput.

Illuatungeriit isumaqatigiissutigaaat kommuninut ataatsimoortumik tapiissutit 2007-imiit atuutiler-
sumik 3.000.000 kr.-inik qaffanneqassasut.

13. Assigiimmik akeqartitsinerup nutarterneqarnerata kingunerisaannik iluarsiiissutit.

”Ukiumut aningaasanut pilersarusiorfiusumut 2005-imut ataatsimoortumik tapiissutissat pillugit
tapiliussatut isumaqatigiissut”-mi 28. oktober 2004-meersumi illuatungeriinnit isumaqatigiissutigi-
neqarpoq ataatsimoortumik tapiissutit iluarsiivigineqartassasut aningaasartuutikinnerussutaasut
pillugit naatsorsuineq 2005-imiit 2009-mut attuuttoq tunngavigalugu

Naatsorsuinerit naapertorlugit kommunit aningaasartuutikinnerussutaat naatsorsorneqartut 2006-imi
3.464.356 koruuniniit 1.860.254 koruuninut 2007-mi allanngussapput. Nikingassut tassaavoq kom-
munit aningaasartuuteqarnerulernissaattut naatsorsugaq 2006-imiit 2007-mut. Nikingassut
1.640.000 kroninik annertussuseqarpoq, illuatungeriillu isumaqatigiissutigaaat kommuninut ataatsi-
moortumik tapiissutit 2007-imi taamatut qaffanneqassasut.

14. Suliffeqanngikkallarnermi ikiorsiiissutit pillugit peqqussut.

Suliffeqanngikkallarnermi ikiorsiiissutit pillugit Peqqussutaat nutaaq nr. 5 1. juni 2006-meersoq
Inatsisartut 1. juni 2006-imiit atortussanngortippaat.

Inatsisartut peqqussutaata kommunit periarfissippai suliffeqanngikkallarnermi ikiorsiiissutinik sulif-
fissuarni sulisut suliassaarunneq tunngavigalugu angerlartinneqartut pisartagaqartinneqartarnissaat.
Aningaasartuutaanerusussat taakku ukiumut 2.300.000 kr.-inut nalilerneqarput.

Illuatungeriit tamanna tunulequtaralugu isumaqatigiissutigaaat ukiumut 2006-mut immikkut isuma-
qatigiissusiussallutik ataatsimoortumik tapiissutit 1.250.000 kr.-inik qaffassallugit aammalu 2007-
mut isumaqatigiissummi 2.300.000 kr. 2007-imiit ataatsimoortumik tapiissutit qaffanniarlugit.

15. Sanaartorfissagissaaneq.

Kommunit Namminersornerullutillu Oqartussat 2003-mi isumaqatigiissutigaaq aqqusernit, imeqar-neq eqqaaviillu kuuffii pillugit akiliuteqartarnermut inatsisissatut siunnersuusiorneq ingerlateqqin-neqassasoq.

Kommunit inatsisiliornissaq neriorsuutigineqarsimasoq nukingisaarutigeqqippaat, suliassaqarfimmi tassani aaqqitassat naammassineqarsinnaaqqullugit.

16. Taasariaqartut allat.

Ataatsimoortumik tapiissutitut Namminersornerullutik Oqartussat kommunillu isumaqatigiissutaat una aningaasanik akuersisartut akuersinissaat apeqqutaatillugu isumaqatigiissutigineqarpoq.

Nuuk, ulloq 25. september 2007.

Josef Motzfeldt
Aningaasarsiornermut nunanullu allanut
Naalakkersuisoq

Lars Karl Jensen
Kalaallit Nunaanni Kommuneqarfiit
Kattuffiat

Namminersornerullutik Oqartussat
Kalaallit Nunaanni kommuneqarfiit Kattuffiat

Ilanngussaq 1.

Kommuninut ataatsimoortumik tapiissutissat ukiumi pilersaarusiortarfimmi 2007-imi immik-kualuttortaata.

	Isumaqa-tigiissut			
	2007	2008	2009	2010
2006-imi isumaqatigiissut tunngavigalugu aallaavik	776.485.000	776,5	776,5	776,5
1. Akinut akissarsianullu iluarsiiisutit	18.170.000	18,2	18,2	18,2
2. Nalinginnaasumik sipaarutaasut	-26.500.000	-52,4	-65,4	-65,4
3a. Akileraartarnerup qitiusumut katersorneqarnera / Ingerlatsineq	-26.300.000	-26,3	-26,3	-26,3
3a. Akileraartarnerup qitiusumut katersorneqarnera / aningaasat ingerlaarnerinit allanngiineq	8.400.000	8,4	8,4	8,4
4. Ingerlatseqatigiiffiit akileraarutaata appartinneqarnera	0	14,5	14,5	14,5
5.1 Soraarnerussutisianik naleqqussaaneq	18.346.000	18,3	18,3	18,3
5.2 Ineqarnermut tapiissutinik naleqqussaaneq	495.000	0,0	0,0	0,0
6 Atuarfitsialak	500.000	-2,6	-5,0	0,0
8. Meeqqat atuarfiisa sillimmaserneqarnissaannut pisussaaffik	1.382.000	0,7	0,7	0,7
9. Meeqqat inuusuttuaqqallu ulloq unnuarlu najugaqarfii	4.619.000	4,6	4,6	4,6
10. Suliffeqanngikkallarnermi ikiorsiisutit pillugit peqqussut – ingerlariaqqinnissamut pilersaarusiortarnermi allaffissornikkut aningaasartuutit	700.000	0,7	0,7	0,7
11. Pisortanit ikiorsiisarneq pillugu inatsisartut peqqussutaat – ingerlariaqqinnissamut pilersaarusiortarnermi allaffissornikkut aningaasartuutit	700.000	0,7	0,7	0,7
12 Suliffigissaanermi maleruagassat sukaterneqarnerisa kingunerisaannik kommunit aningaasartuuteqarnerulernerat	3.000.000	3,0	3,0	3,0
13. Assigiimmik akeqartitsinerup nutarterneqarnerata kingunerisaanik iluarsiiisutit	1.604.000	4,5	5,7	5,7
14. Suliffeqanngikkallarnermi ikiorsiisutit	2.300.000	2,3	2,3	2,3
Kommuninut ataatsimoortumik tapiissutit nutaat	783.901.000	771,1	756,9	761,9